



**PROCEDURA
O NAČINU OSTVARIVANJA PRAVA NA REFUNDACIJU
TROŠKOVA NABAVKE APARATA ZA KONTINUIRANO
MJERENJE ŠEĆERA U KRVI, SA PRIPADAJUĆIM POTROŠNIM
MATERIJALOM**



I. Osnovne odredbe

Član 1. **(Predmet)**

- (1) Ovom Procedurom uređuje se postupak i sadržaj dokumentacije koja se dostavlja prevashodno uz zahtjev za utvrđivanje prava, a zatim za refundaciju troškova nabavke Aparat za kontinuirano mjerenje šećera u krvi, sa pripadajućim potrošnim materijalom na osnovu odredbi Uredbe o obimu, uslovima i načinu ostvarivanja prava osiguranih lica Kantona Sarajevo na medicinska sredstva.
- (2) Osigurano lice, koje ispunjava medicinske indikacije za sticanje prava na učešće Zavoda utvrđene važećom Uredbom o obimu, uslovima i načinu ostvarivanja prava osiguranih lica Kantona Sarajevo na medicinska sredstva (u daljem tekstu: Uredba) za navedeno medicinsko sredstvo, ostvaruje pravo na refundaciju troškova nabavke Aparat za kontinuirano mjerenje šećera u krvi, sa pripadajućim potrošnim materijalom u visini učešća Zavoda.

Član 2. **(Rodno značenje izraza)**

Izrazi koji se koriste u ovoj proceduri, a koji imaju rodno značenje, bez obzira jesu li korišteni u muškom ili ženskom rodu, obuhvataju na jednak način muški i ženski rod.

Član 3. **(Značenje izraza)**

Izrazi upotrijebljeni u ovoj Proceduri, ako nije drukčije određeno, imaju sljedeće značenje:

- a) "Osigurano lice" je, u smislu ove procedure, osiguranik, te član porodice ili član porodičnog domaćinstva osiguranika, kao i drugo lice kojem se, u skladu sa Uredbom obezbjeđuje pravo na medicinsko sredstvo;
- b) "Indikacija za medicinsko sredstvo" je medicinska dijagnoza utvrđena u skladu sa važećom Međunarodnom klasifikacijom bolesti - antropometrijske i druge karakteristike osiguranog lica na osnovu kojih se utvrđuje potreba za medicinskim sredstvom, kao i drugi uslovi od značaja za korištenje medicinskog sredstva;
- c) Konzilijarno mišljenje stručno mišljenje, odnosno konzilijarna ocjena i mišljenje da postoji indikacija za upotrebu kontinuiranog mjerača glukoze sa pripadajućim potrošnim materijalom;
- d) "Potvrda o potrebi ortopedskog-sanitarnog pomagala" je obrazac na osnovu kojeg se ostvaruje pravo na medicinsko sredstvo;
- e) "Refundacija" je postupak povrata utrošenih, lično plaćenih sredstava osiguranika do iznosa učešća Zavoda za predmetno medicinsko sredstvo,
- f) "Komisije za odobravanje pomoći za liječenje u inostranstvu, nabavku medicinskih sredstava, liječenje van ugovornih zdravstvenih ustanova i za medicinsku rehabilitaciju na osnovu medicinskih indikacija i preporuka ovlaštenih ljekara" je tijelo propisano Uredbom, ovlašteno odobriti određeno medicinsko sredstvo u zavisnosti od njegovog zdravstvenog

stanja i oboljenja, a koja nisu predviđena ovom uredbom, a ista su mu neophodna za kvalitetniji život, kao i veću količinu određenog medicinskog sredstva od propisane Uredbom.

- g) "Medicinsko sredstvo" se obezbjeđuje osiguranicima nakon provođenja postupka javne nabavke i zaključivanja ugovora sa isporučiocem medicinskih sredstava.
- h) "Odjeljenje za medicinske poslove" je unutrašnja organizaciona jedinica u okviru Službe za medicinske poslove.

II. Pokretanje postupka za utvrđivanje prava na Aparat za kontinuirano mjerenje šećera u krvi, sa pripadajućim potrošnim materijalom

Član 4.

(Pokretanje postupka za utvrđivanje prava)

- (1) Postupak utvrđivanja prava pokreće se podnošenjem dokumentiranog zahtjeva osiguranog lica lično ili roditelja za maloljetno osigurano lice u poslovnicu Zavoda zdravstvenog osiguranja.
- (2) Zahtjevi iz stave (1) ovog člana podnosi se odjeljenju za medicinske poslove.

Član 5.

(Sadržaj dokumentacije)


Uz zahtjev iz člana 4. ove procedure podnosi se sljedeća dokumentacija:

- a) Konzilijarno mišljenje izdato od strane specijaliste pedijatrije - endokrinolog Pedijatrijske klinike Kliničkog centra Univerziteta u Sarajevu za osigurana lica za lica do 18 godina, a za osigurana lica starosti preko 18 godina izdato od strane subspecijaliste endokrinologa/dijabetologa Klinike za endokrinologiju i bolesti metabolizma, ne starije od godinu dana.
- b) Potvrda o potrebi medicinskog sredstva koju izdaje specijalista pedijatrije - endokrinolog ili pedijatar odnosno izabrani doktor porodične medicine za osigurana lica do 18 godine, a specijalista interne medicine - endokrinolog/dijabetolog ili izabrani doktor porodične medicine za osigurana lica u dobi iznad 18 godina.

Član 6.

(Provjera ispunjavanja osnovnih uslova)

- (1) Odjeljenje za medicinske poslove sprovodi postupak provjere ispunjavanja uslova za ostvarivanje prava na Aparat za kontinuirano mjerenje šećera u krvi, sa pripadajućim potrošnim materijalom saglasno Uredbi, a po utvrđivanju istog upisuje komentar u M1.
- (2) Odobrenje iz stava (1) ovog člana važi godinu dana u kojem periodu se priznaje refundacija troškova nabavke Aparat za kontinuirano mjerenje šećera u krvi, sa pripadajućim potrošnim materijalom kvartalno, nakon čega je potrebno ponovo podnijeti zahtjev iz člana 4. ove procedure uz dokumentaciju iz člana 5. ove procedure.

	PROCEDURU o načinu ostvarivanja prava na refundaciju troškova nabavke Aparat za kontinuirano mjerenje šećera u krvi, sa pripadajućim potrošnim materijalom	Šifra:	Izd./Rev.: 2/0
---	---	--------	-------------------

III. Pokretanje postupka za refundaciju troškova nabavke Aparata za kontinuirano mjerenje šećera u krvi, sa pripadajućim potrošnim materijalom

Član 7.

(Pokretanje postupka za refundaciju troškova)


- (1) Po utvrđivanju prava od strane odjeljenja za medicinske poslove pokreće se postupak refundacije troškova podnošenjem dokumentiranog zahtjeva osiguranog lica lično ili roditelj za maloljetno osigurano lice u poslovnicu Zavoda zdravstvenog osiguranja.
- (2) Količina senzora za aparat za kontinuirano mjerenje šećera u krvi koja se odobrava, ovisi o vrsti uređaja.
- (3) Naredni zahtjev za refundaciju troškova moguće je podnijeti najranije 30 dana prije isteka roka korištenja već odobrenog medicinskog sredstva, a što se utvrđuje prema datumu utvrđivanja prava (ovjeri obrasca ZP-6.1) i odobrenih količina.
- (4) Zahtjevi iz stava (1) ovog člana podnose se Zavodu zdravstvenog osiguranja Kantona Sarajevo ili Komisiji za odobravanje pomoći za liječenje u inostranstvu, nabavku medicinskih sredstava, liječenje van ugovornih zdravstvenih ustanova i za medicinsku rehabilitaciju na osnovu medicinskih indikacija i preporuka ovlaštenih ljekara.

Član 8.

(Sadržaj dokumentacije)

Uz zahtjev iz člana 7. stav (1) ove procedure podnosi se sljedeća dokumentacija:

- a) Original ovjerenu Potvrdu o potrebi medicinskog sredstva koju izdaje specijalista pedijatrije - endokrinolog ili pedijatar odnosno izabrani doktor porodične medicine za osigurana lica do 18 godine, a specijalista interne medicine - endokrinolog/dijabetolog ili izabrani doktor porodične medicine za osigurana lica u dobi iznad 18 godina.
 - Ovjera obrasca ZP-6.1 se vrši u poslovnicaama Zavoda zdravstvenog osiguranja Kantona Sarajevo, prema uslovima utvrđenim Uredbom i Uputstvu o načinu i postupku ostvarivanja prava na korištenje medicinskih sredstava u Zavodu zdravstvenog osiguranja Kantona Sarajevo.
- b) Original račun (ne stariji od šest mjeseci) koji mora sadržavati sljedeće podatke i to: ukupni iznos za nabavljeno pomagalo sa naznakom jedinične cijene i količine nabavljenih pomagala, broj i datum izdavanja računa, naziv pravnog subjekta koje je izdalo račun, odgovarajuću poveznicu sa korisnikom medicinskog sredstva.
 - Uz račune koji nisu original (online obavljena kupovina) potrebno je dostaviti dokaz o uplati (nalog, potvrda o uplati...) kao i pisanu izjavu ovjerenu kod nadležnog opštinskog organa ili notara, pod materijalnom i krivičnom odgovornošću, da sredstva nisu refundirana po drugom osnovu. Ukoliko na računu koji nije original nema odgovarajuće poveznice iz stav b) ovog člana, u izjavi treba navesti i to da su sredstva utrošena za nabavku za osiguranika (navesti ime i prezime) kojem je utvrđeno pravo na predmetno medicinsko sredstvo od strane Zavoda.
- c) Izjavu sa brojem bankovnog računa na koji će se uplatiti odobrena sredstva (izjava mora biti potpisana od podnosioca zahtjeva).

	<p style="text-align: center;">PROCEDURU o načinu ostvarivanja prava na refundaciju troškova nabavke Aparat za kontinuirano mjerenje šećera u krvi, sa pripadajućim potrošnim materijalom</p>	<p>Šifra:</p>	<p>Izd./Rev.: 2/0</p>
---	--	---------------	---------------------------

Član 9.
(Rješavanje zahtjeva)

Zavod zdravstvenog osiguranja Kantona Sarajevo ili Komisija za odobravanje pomoći za liječenje u inostranstvu, nabavku medicinskih sredstava, liječenje van ugovornih zdravstvenih ustanova i za medicinsku rehabilitaciju na osnovu medicinskih indikacija i preporuka ovlaštenih ljekara sprovodi postupak provjere ispunjavanja osnovnih uslova za ostvarivanje prava za refundaciju troškova nabavke Aparat za kontinuirano mjerenje šećera u krvi, sa pripadajućim potrošnim materijalom, te na temelju rezultata cjelokupnog postupka donosi rješenje.

Član 10.
(Evidencija)

- (1) Zavod zdravstvenog osiguranja Kantona Sarajevo vodi evidenciju, odnosno tabelarni pregled svih podnesenih zahtjeva za nabavku ovog pomagala, radi kontrole i sprečavanja zloupotrebe pri povratu sredstava.
- (2) Evidencija, odnosno tabelarni pregled treba da sadrži sljedeće podatke: redni broj, ime i prezime osiguranog lica, broj predmeta, broj i datum računa, odobreni iznos, period za koji se odobrava povrat sredstava po računu

IV. Prelazne i završne odredbe

Član 11.
(Prelazne odredbe)

Svi postupci koji su započeti prije stupanja na snagu ove Procedure dovršit će se u skladu sa ovom Procedurom.

Član 12.
(Završne odredbe)

- (1) Ova Procedura stupa na snagu danom donošenja.
- (2) Donošenjem ove Procedure, stavlja se van snage Procedura broj 01-02-1-13281/22 od 28.09.2022. godine.

Broj: 01/02-3-8871/23
Sarajevo, 18-05-2023



DIREKTOR

Mr.sci.oec. Muamer Kosovac

Dostaviti:

- Službi pravnih poslova (P)
- Služba za kvalitet i nadzor, PDF (za postavljanje na Share Point Portal dostupno svim org. jedinicama)
- Arhiva (P)